

## Uunga

allannguutissatut siunnersuut

**Uunga siunnersuut: Naligiissitaaneq assigiinngisitsinninnissarlu pillugit Inatsisartut inatsisaat**

Pingajussaanneerpeqarnerani Naalakkersuisunit saqqummiunneqartoq:

## § 8-mut

**1. § 8, imm. 3, ima oqaasertaliorneqassaaq:**

” Imm. 3. 4-miit 7 ilanngullugu § 15 apeqquataatinnagit, atorfinitsitaanermi atugassarititaasuni kalaallisut oqaatsit atorneqarnissaat pillugu aalajangiinissamut Inatsisartut inatsisaat manna akornusiinngilaq.”

Allannguutissatut siunnersuummut oqaaseqaatit

**Nalinginnaasumik oqaaseqaatit**

Assigiinngisitsinissamut inerteqquteqarnerup unioqqutinneqarneranik kinguneqanngitsumik, inatsisissatut siunnersuutikkut atorfilinnut atorfinitsitaanermi atugassarititaasuni kalaallisut oqaatsinik atuisinnaasariaqarneq pillugu piumasaqaateqartoqarsinnaavoq.

Piviusut naapertorlugit atorfiup suliarinissaanut tamanna pisariaqartinneqarpat, aamma siunertanut pisariaqartunut aamma inatsisitigut akuerisaasunut tamanna aammattaaq tunngavissaqarpat, atorfinitsitaanermi atugassarititaasunut atatillugu oqaatsit allat atorneqarsinnaanerannik aamma piumasaqaateqartoqarsinnaassaaq. Taamaalilluni sulianut tunngatillugu tamanna tunngavilersugaassaaq aamma atorfiup pineqartup suliarineqarsinnaanissaanut naleqquttuussalluni. Assersuutigalugu silaannakkut angallannerup iluani sulianik suliarinnissinnaanermut atatillugu tuluttut oqaatsit atorsinnaasariaqarnerat pillugu piumasaqaateqartoqarsinnaavoq. Ilaatitsinninnermi ilanngunneqarnissamut oqaatsit pillugit piumasaqaatit taamaattut aalajangersakkap imm. 1-ani piumasaqaatinik naammassinnittussaapput.

**Allannguutissatut siunnersuummi aalajangersakkanut ataasiakkaanut oqaaseqaatit**

Inatsisartut inatsisaanni assigiinngisitsinissamut inerteqquteqarnerup, qinnuteqartunik kalaallisut oqaasilinnik salliutitsinissamik akornusiinnginnissaa pillugu aalajangersaasoqassasoq, siunnersuutigineqarpoq.